



UPRAVA	Strana: 1 od 2
Broj protokola: 05-1-25-1-6452-33/21	JAVNO

Datum: 18.01.2022. godine

Na osnovu čl. 69. stav (2) tačka a) i čl. 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, te člana 45. Statuta J.P. Međunarodni aerodrom "SARAJEVO" d.o.o. Sarajevo i Izvještaja i preporuke komisije za provođenje postupka javne nabavke robe: Isporuka originalnih rezervnih dijelova i usluga interventnog servisa za kamione proizvođača SCANIA CV AKTIEBOLAG, Švedska (na period od četiri godine), broj: 04-6-04-7-6452-27/21 od 29.12.2021. godine, Uprava J.P. Međunarodni aerodrom "SARAJEVO" d.o.o. Sarajevo na 49. sjednici, održanoj dana 18.01.2022. godine, donosi

ODLUKU

I

Poništava se postupak nabavke robe: Isporuka originalnih rezervnih dijelova i usluga interventnog servisa za kamione proizvođača SCANIA CV AKTIEBOLAG, Švedska (na period od četiri godine), proveden metodom nabavke Pregovarački postupak, bez objavljivanja obavještenja o nabavci na portalu javnih nabavki, jer u određenom krajnjem roku nije dostavljena konačna ponuda.

II

Naručilac će, nakon proteka rokova za reviziju, a kad se za to stvore formalni uslovi, pokrenuti novi postupak nabavke robe iz tačke I ove Odluke, istim metodom, Pregovarački postupak.

III

Komisija za provođenje novog postupka predmetne nabavke biće utvrđena/imenovana naknadno, posebnim rješenjem.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Isporuka originalnih rezervnih dijelova i usluga interventnog servisa za kamione proizvođača SCANIA CV AKTIEBOLAG, Švedska (na period od četiri godine), i to metodom nabavke Pregovarački postupak, bez objavljivanja obavještenja o nabavci na portalu javnih nabavki, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-6452-3/21 od 21.10.2021. god., a Rješenjem broj: 02-1-04-7-6452-5/21 od 29.10.2021. god., imenovao Komisiju za provođenje postupka nabavke.

Nakon neuspješnog postupka pribavljanja ponude, Odlukom Uprave J.P. Međunarodni aerodrom "SARAJEVO" d.o.o. Sarajevo, broj: 02-1-04-7-6452-14/21 od 17.11.2021. godine, provedeni postupak je poništen, te je naloženo njegovo ponavljanje istim metodom.

Nakon imenovanja Komisije za provođenje ponovljenog postupka predmetne nabavke, i određivanja krajnjeg roka za dostavu ponuda, odnosno termina otvaranja ponude, Naručilac je uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu ponuđača SCANIA BH d.o.o. Sarajevo. Radi se o dobavljaču koji je jedini ovlašten za isporuku rezervnih dijelova i pružanje usluge interventnog servisa za predmetne kamione u Bosni i Hercegovini.

Do ostavljenog roka za predaju kvalifikacionih dokumenata i komercijalne ponude, 13.12.2021. god., pozvani ponuđač je dostavio inicijalnu ponudu, koja je sadržavala određene nedostatke, koje je u konačnoj ponudi bio obavezan otkloniti, a utvrđeni rok za dostavu konačne ponude bio je 20.12.2021. godine.


Dostavljena konačna ponuda, osim što je dostavljena sa kašnjenjem od dva dana u odnosu na utvrđeni rok, sadržavala je i iste one nedostatke koje je sadržavala i inicijalna.

U takvim pravnim i činjeničnim okolnostima, Komisija je konstatovala da ne postoje ni formalno-pravni, mni suštinski razlozi i osnovi za izbor ove ponude, te je, shodno tome, predložila Upravi J.P. Međunarodni aerodrom "SARAJEVO" d.o.o. Sarajevo da se postupak nabavke predmetne robe poništi i ponovi istim metodom, kad se za to stvore formalni uslovi, a da se u međuvremenu, zbog hitnih potreba, za prelazni period zaključi ugovor po osnovu direktnog sporazuma.

Vrsta dok.	Izdavač
ODL	05-01
Strana: 2 od 2	
JAVNO	

Uprava J.P. Međunarodni aerodrom "SARAJEVO" d.o.o. Sarajevo je na 49. sjednici, održanoj dana 18.01.2022. godine, razmotrila i prihvatila preporuku Komisije, pa je postupajući u skladu sa članom 69. stav (2) tačka a) Zakona o javnim nabavkama ocijenila da su se ispunili uslovi za poništenje postupka nabavke predmetne robe, te je donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.


DIREKTOR
Alan Bajić

DOSTAVLJENO:

1. Upravi Društva
2. Sektoru za administrativnu podršku
3. Sektoru razvoja, tehnike i standardizacije
4. a/a